

Индин промышленностин өслтд советск дөнъ-нөкд

ДЕЛИ, майин 31. (ТАСС). Советск Союзин өгчäh 600 сай рупий кредитиг Индин правительств кунд машид тосхлгъна болн уулин машид тосхлгъна завод тосхлгънд, Корбан нүүрснә бассейниг делгрүлхд, Нейвелид буурл нүүрс гаргългънд кōдлх электростанц тосхлгънд, Синдрид оптичesk шилин фабрик кехд болн метановый завод ясдж хүврүлдж кехд кергтә хамг оборудовань авхин төлә олзлхми гидж орн-нутгин гүүлгәнә халхин болн промышленностин министр Шах народн палатд сонъсхв. Орн-нутгтан кунд машид тосхлгъ өргджүлхин зураг Шах бас народн палатд сонъсхв. Советск Союзин баг специалистрин болн Англин баг специалистрин орулдж өгсн докладмудиг правительств арднь ордж сәәнәр хәләв гидж тер герчлв. Советск специали-

стнр докладтан заасн, кунд машид тосхлгъна заводмуд эклдж кехми, бас советск талдан баг специалистнр эврәннь докладтан заадж селвг өгсәр, нүүрснә промышленностин оборудовань кедг завод бас эклдж кедхми гидж правительств шиидв. Кунд машид тосхлгъна завод түрүн девснъгдән, джилдән 45 минъгъ шаху тонн маши болн оборудовань кедж гаргъх, цаарандан болхла терүгән 80 минъгън тонк күргдж икдүлх. Түрүн девснъгдән завод нургълдж коксовой болн доменн бешмүди оборудовань, болд хәәльдг беш, руда үүллгәнә оборудовань, кранмуд, прокатн станкмуд болн теднд хөөнән кергтә тоот анысинь гаргъхми.

Нүүрснә промышленностьд кергтә оборудовань кедг завод джилдән 30 минъгън тонн оборудовань кедж гаргъхми.